

# წალენჯიხის მუნიციპალიტეტის საკრებულოს

დადგენილება №6  
2024 წლის 23 თებერვალი

## ქ. წალენჯიხა

„წალენჯიხის მუნიციპალიტეტის 2024 წლის ბიუჯეტის დამტკიცების შესახებ“ წალენჯიხის მუნიციპალიტეტის საკრებულოს 2023 წლის 28 დეკემბრის №43 დადგენილებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „დ.ა“ ქვეპუნქტისა და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტისა და 24-ე მუხლის შესაბამისად, წალენჯიხის მუნიციპალიტეტის საკრებულო ადგენს:

### მუხლი 1

შეტანილ იქნეს ცვლილება „წალენჯიხის მუნიციპალიტეტის 2024 წლის ბიუჯეტის დამტკიცების შესახებ“ წალენჯიხის მუნიციპალიტეტის საკრებულოს 2023 წლის 28 დეკემბრის №43 დადგენილებაში ([www.matsne.gov.ge](http://www.matsne.gov.ge), 29/12/2023, 190020020.35.104.016545) და დადგენილებით დამტკიცებული დანართის მე-15 მუხლის „ა“ პუნქტის:

ა) „ა.ე“ ქვეპუნქტი ჩამოყალიბდეს შემდეგი რედაქციით:

„ა.ე) იშვიათი დაავადებების მქონე და მუდმივ ჩანაცვლებით მკურნალობა დაქვემდებარებულ პაციენტთა და ზოგიერთ სხვა დაავადებით შეპყრობილ პაციენტთა ყოველთვიური ფინანსური მხარდაჭერა

ქვეპროგრამის დასახელება	კოდი	იშვიათი დაავადებების მქონე და მუდმივ ჩანაცვლებით მკურნალობა დაქვემდებარებულ პაციენტთა და ზოგიერთ სხვა დაავადებით შეპყრობილ პაციენტთა ყოველთვიური ფინანსური მხარდაჭერა	დაფინანსება ათას ლარში
	06 01 05		80.00
ქვეპროგრამის განმახორციელებელი სამსახური		წალენჯიხის მუნიციპალიტეტის მერიის კულტურისა და სოციალური დაცვის სამსახური	
ქვეპროგრამის აღწერა და მიზანი		<p>1. იშვიათი დაავადებებით შეპყრობილი ბენეფიციარები პროგრამაში ჩართვებიან, ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ დამტკიცებული, "იშვიათი დაავადებების ნუსხაში" მითითებული ჩამონათვალის გათვალისწინებით;</p> <p>2. ზოგიერთ სხვა დაავადებებში ჩაითვალოს: პარკინსონის დაავადება, ლეიკემია, გაფანტული სკლეროზი, მოტონეორონთა დაავადება, სირინგომიელია, ცერებრული დამბლა, კუნთთა პროგრესიული დისტროფია, სისტემური წითელი მგლურა, რომლებიც სისტემატურად საჭიროებენ მედიკამენტოზურ მკურნალობასა და კლინიკო-ლაბორატორიულ კვლევებს.</p> <p>3. ბენეფიციარმა სამედიცინო კლინიკიდან (ვიწრო სპეციალისტის დასკვნით) უნდა წარმოადგინოს დიაგნოზის დამადასტურებელი ჯანმრთელობის ცნობა ფორმა №100 ჩატარებული სპეციფიკური კვლევების მონაცემებისა და საჭირო მკურნალობის მითითებით.</p> <p>4. პროგრამა ითვალისწინებს თითოეულ ბენეფიციარზე ყოველთვიურად უნაღდო ანგარიშსწორებით, პირად ანგარიშზე 100 ლარის ჩარიცხვას. პროგრამა გათვლილია 66 ბენეფიციარზე.</p>	
მოსალოდნელი საბოლოო შედეგი		ბენეფიციარის ჯანმრთელობის მდგომარეობის შენარჩუნების ხელშეწყობა	



ბ) „ა.ი“ ქვეპუნქტი ჩამოყალიბდეს შემდეგი რედაქციით:

„ა.ი) ბავშვთა დაცვისა და მხარდაჭერის მუნიციპალური პროგრამა.

ქვეპროგრამის დასახელება	კოდი	ბავშვთა დაცვისა და მხარდაჭერის მუნიციპალური პროგრამა	დაფინანსება ათას ლარში
ქვეპროგრამის განმახორციელებელი სამსახური	06 01 10	წალენჯიხის მუნიციპალიტეტის მერიის კულტურისა და სოციალური დაცვის სამსახური	240.00
ქვეპროგრამის აღწერა და მიზანი		<p>პროგრამის მიზანია ბავშვთა რეაბილიტაცია/აბილიტაციის ქვეპროგრამის მომსახურების მინიმალური სტანდარტების დამტკიცების შესახებ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2023 წლის 12 იანვარის №1/5 ბრძანების, აუტიზმის მქონე პირთა მომსახურების მინიმალური სტანდარტების შესაბამისად, ასევე დაუნის სინდრომის მქონე ბავშვთა აბილიტაცია/რეაბილიტაციის საჭიროების მომსახურებასა და მათი ოჯახების გაძლიერება, ბავშვის ფიზიკური და ინტელექტუალური ფუნქციური პოტენციალის მაქსიმალური რეალიზება, ზოგადი ჯანმრთელობის, ცხოვრების ხარისხის გაუმჯობესებისა და ინკლუზიური განვითარების პროცესის ხელშეწყობა.</p> <p>პროგრამა მოემსახურება ბავშვებს, რომლებსაც აღენიშნებათ სოციალური კომუნიკაციის თვისებრივი ცვლილებები და ურთიერთობის დეფიციტი, ინტერესების, ქცევისა და აქტივობების შეზღუდული შესაძლებლობები და ეს დარღვევები პრობლემებს უქმნის ბავშვის ადაპტურ ფუნქციონირებას და ვლინდება განვითარების ადრეულ ეტაპზე.</p> <p>პროგრამის სუპერვიზორი ვალდებულია მოსარგებლის ინდივიდუალური საჭიროებიდან გამომდინარე, შესაბამის სპეციალისტებთან ერთად შეარჩიოს თერაპიული ინტერვენციის სახეობა, მათი ერთობლიობა, სეანსების რაოდენობა და აღნიშნულიდან გამომდინარე შეადგინოს ბავშვის აბილიტაცია/რეაბილიტაციის ინდივიდუალური გეგმა, რომელიც დასტურდება ყველა სპეციალისტისა და მოსარგებლის მშობლის/კანონიერი წარმომადგენლის ხელმოწერით.</p> <p>პროგრამა პირველი ეტაპისთვის მოსარგებლეს მიაწვდის ქცევით გამოყენების (ABA) თერაპიას, რაც წარმოადგენს მტკიცებულებაზე დაფუძნებულ ერთ-ერთ ფსიქოლოგიურ მიმართულებას, რომელიც ფართოდ გამოიყენება განვითარების სხვადასხვა ტიპის დარღვევის მქონე ბავშვებთან. ამისთვის მას ჰყავს ქცევის თერაპევტი, მეტყველების თერაპევტი, არტ.თერაპევტი.</p> <p>პროგრამის ყოველწლიურ დაფინანსებად განსაზღვრულია 130 ათასი ლარი, პროგრამით მოსარგებლე ბავშვთა აბილიტაცია/რეაბილიტაციის ინდივიდუალური გეგმით გათვალისწინებული მომსახურებას ახორციელებენ შესაბამისი დარგის სპეციალისტები. ორგანიზაციულ-ტექნიკური მუშაობის მხარდაჭერას უზრუნველყოფენ მენეჯერი, რეგისტრატორი, ტექნიკური მუშაკი (დამლაგებელი), რომელთაც შრომითი ხელშეკრულების საფუძველზე ასაქმებს მუნიციპალიტეტის მერი.</p>	
მოსალოდნელი შუალედური შედეგი		პროგრამით მოსარგებლე პირების ფინანსური დახმარება და ჯანმრთელობის მდგომარეობის გაუმჯობესება.	

**მუხლი 2**

ამ დადგენილებების 1-ლი მუხლის:

- ა) „ა“ ქვეპუნქტი ამოქმედდეს გამოქვეყნებისთანავე და მისი მოქმედება გავრცელდეს 2024 წლის 1 იანვრიდან;
- ბ) „ბ“ ქვეპუნქტი ამოქმედდეს გამოქვეყნებისთანავე.

წალენჯიხის მუნიციპალიტეტის  
საკრებულოს თავმჯდომარე

კორნელი სალია

